

近代中國史料叢刊續編第四十三輯
沈雲龍主編

戴季陶（傳賢）先生編年傳記

陳天錫著

文藻出版社

有限公司

印行

陈玉锡考

订增
寒李陶先生
编年传记

王雲五署

戴季陶先生生玉照



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



蔣校長中央陸軍軍官學校第一期同學錄序

戴季陶先生題序墨跡

嗚呼！痛哉！長介石先生之文，觀乎革命軍人視死如歸之壯志，有不慙於魯論會然者也。昔者丁
中央軍官學校師生為革命救國而犧牲之事實，外傳其餘，咸詳民國二十一年六月統計本校
學生陣亡者二十七、四百四十有二人，其中第一期二百二十六人，第二期二百六十八人，第三
期二百七十九人，第四期四百二十一，第五期四百六十一，第六期四百二十一，第七期
期五百三十二人，潮州分校一百二十一，八臺兵科七十一人，軍官補習班三十一人，武漢學
兵團一十二人，軍官政治訓練班八十七人，傷者且數倍之。本校學生死者之數如此，則士而
可知其餘各軍將士之犧牲者，亦可累渾而想見矣。自是而後，有豫鄂諸省剿匪之役，有湘
皖之役，有江西剿匪之役，有最近長城抗日之役，門之烈死之氣，尤甚於前此諸戰也。
由為陣墓尸為城塹者，無收容之暇，死者無歸骨之地，命戰而休，而乘匪暴日之禍，國處民
尚未有已哉！同學之高，將相見於泉日者，幾何人哉！嗚呼！慘哉！痛矣！總理有言曰：國有人
情，人有心之器而政治者，一人群心理之現象。故政治之隆污，由於人心之振靡。夫中國有四
萬萬之國民，與五十年之遺傳文化，被以民心不壞，則運所危而機革命救國之戰士乃濼其
沒紅之血，以為國花，雖就國家興亡之責，端在於全體之國民，而負政治教育之任者，其責為
尤大。吾國人，雖有痛自覺悟，一德一心，以各盡其國民之大職，報我國之戰士，而後國家之
興，後乃有日而主義之花，乃為不虛同年。 侍曾啟，軍官學校同學錄序後，揮淚題。

其時國勢云

(日六十月六年二十二國民)

增訂版自序

民國四十六年，拙編戴季陶先生編年傳記脫稿，其體例首揭，以先生生平經歷事迹，凡有所知，皆加記載，意在凡所未知，付之闕如也。既而自審，在先生任考試院院長以外事與是時以前事，所知實頗有限，殊有廣事求知，以資增補需要。迨次年拙編問世後，首承楊幼燭先生函示，以「建國之初，有關立法指導，多出先生與展堂先生之手，是書未加述及」爲言。而沈雲龍先生在自由中國第二十卷四期，亦發表對是書之評介，謂全書記叙「用於戴先生擔任考試院院長時期一切建制設施爲多，對於戴先生生平尤其是早年重要事迹，尙有不少遺漏。」因述所見兩項，並其他有待商榷之點。奉讀之餘，既深銘感兩先生諒直高風，而於求知先生以往經歷事迹之慾望，益加迫切，而不敢自逸。七八年來，既已多方搜集先生早期著述，得百二十餘萬言，（已輯爲先生文存續編，間有晚年文字，前年冬間，由朱驥先先生介送中央黨史編纂委員會印行）發現前所未知之事迹不少，一面復詳考國父全書，留心現代作家述作，及官書簿錄等，凡與先生有關者，或與先生有舊聞

見所及者皆按其時期補入傳記之內。雖先生生平著述及其事迹，尙未能全部發現，但就所發現者應有之增訂工作，業已完畢其事，定名曰增訂戴季陶先生編年傳記。至原編本傳方面及時事概要方面，發現人名姓氏間有訛誤，或敘述事實有待補充者，皆已分別改正充實。其傳文所列事迹，未載出處者，一律註明，藉便考查。（偶有未載出處者，大都出自先生之燕談）先生在考試院任內，辦理考試各案，重要在事員名，原編未有記載，本編特加彙輯，作爲附錄。茲全書經已集稿，付之剞劂，自維淺陋，錯謬漏略，必所難免，倘承讀者諸君惠予教益，實所禱祝以求者也。民國五十三年十月福州陳天錫時年八十。

再者，民國四十七年間世之戴季陶先生編年傳記，承王岫廬先生介於前教育部長張曉峯先生，命中華叢書委員會印行。茲增訂之本，復承岫老提出於中華民國中山學術文化基金董事會，經學術著作獎助審議委員會完成審議，由會決議補助出版。而排印校勘種種手續，又荷李寄萍先生分神董其事。銘感之私，匪可言喻，謹此併謝，永誌高雲。五十六年一月陳天錫

序

季陶先生天姿高朗，識力超人，英年卽從事言論界，以文章議論，與天下人相見。迨任國父記室，明道解惑，洞澈於三民主義思想淵源之所自，巋然成本黨理論權威。以此建國領政，使當世皆奉先生爲黨國智慧之源泉，可謂偉矣。民國七年，不佞初識先生於大元帥府之外交部，未幾，而七總裁制度出，國父離粵赴滬，同人星散。越十年，始再晤先生於中山大學，談西沙羣島問題，並及東沙島事。先生興趣盎然，謂之曰，君久仕於粵，不可無貢獻，若將兩島經過事實，加以編次問世，其爲貢獻大矣。不佞謹受教，三閱月而兩島成案彙編，脫稿就正。先生喜甚，促出版，且在廣東政治分會提議，由省政府加給月俸，通令所屬機關，凡重要之案，悉仿照編印，以示矜式。是年十月，先生受任考試院院長，電邀相助。不佞摒擋諸事未竟，電陳可否期以歲杪，先生可其請。及期謁候，先生語之曰，政府接收北平故宮檔案，中多珍貴資料，府議另組整編機構，已舉君貳其事，如正者難其選，將以君任之，待文官長古勳勤先生回京卽定議。厥後，因國軍編遣會議破裂，政

府不得已而用兵，中寢此議。先生遂請簡不佞爲考試院秘書，專司綜核文案。二十一年冬，復寄以機要之任。抗戰期中，曾兩度欲加重其負荷。不佞自懷忝竊已甚，弗敢承，先生亦終諒其志，不復相強。自是略分言情，彌叨親切，於文字事，每共商訂，呼一字師。行憲初，先生卸院篆，不佞請從，先生曰，君任事久，若因吾而去，吾何以對考試院。嗟夫，不佞實人間愚魯頑鈍，自甘韜隱之一人，先生何所取而愛顧獎借，至於如是，能無感奮乎。先生少不佞五歲，悲天憫人，方努力於世界人類之福運，而甫屆還甲之年，遽以積憂成痼，一瞑不視。日月淹忽，遂歷八稔，茫茫人海，百感交侵。先生交遊遍海內，而能了悉生平經歷志事者，今已無幾。不佞相從既久，於先生嘉言懿行，善政善教，愧不能文，無以表彰萬一。但長此無稱，湮沒滋懼，何以弛後死之責。爰就公餘，每加回憶，隨時筆錄，積累成編，顏曰編年傳記，藉備國史採擇，亦以供政壇學界諸君子之省覽。本書內容，略見編例，不吝指正，是所望於賢達。先生論政、論教、論學，以及有關佛學之作，篇幅甚富，編訂之役，同時竣事，公之於世，爲時不遠，附以告慰渴望讀先生文字者。

中華民國四十六年二月福州陳天錫

編輯體例

一、季陶先生生平經歷事迹甚多，按年編次，大而國家政治，小至個人行爲，凡有所知，皆加記載。

二、民國前紀年用陰曆，記民元前若干年及歲次干支，附記光宣年份。民國後紀年用陽曆，記民國若干年，附記西元年份及其年陰曆歲次干支。

三、先生自民國十七年至三十七年任考試院院長，與訓政相終始。凡考銓制度之建立，以及用人行行政諸設施，特闢施政一項，分類記之用資考鑑。

四、施政項下之建立制度，推行業務兩目，均按考銓部門分列。制度不離法規，重在內容之摘要，業務須明經過，重在實際之記述，均舉其犖犖大者。其係經常辦理事項，並列其統計數字。人事措施一目，以簡任聘任爲準，薦任以下，人數較多，概從省略。

五、每一年次，均附記當年時事概要，民元以前，多記總理行動事實及內政外交情況，民元以後，所記加詳。十七年起，又區分性質增加類別。對抗戰各戰役及共亂，記載特詳。誠以先生生平及從政後之措施，受時

代背景之影響爲多。誌之足以備參考對照，於知人論世或亦不無助益。六、本書名爲編年，原以按年記事爲主。但敘述事實，間因爲行文便利計，亦採用追叙帶叙之法，藉資貫串。關於時日與數字記載，務以正確爲歸，惟自民國三十年後，因文卷不全，窮於搜討，間有從略，以示闕疑。閱者諸君，倘承指正，無任歡迎。

七、附記之作，多取材於黨史概要，有關各地戰役，兼採何上將抗戰期間軍事報告。偶有一二採用親歷其事者之記述或修正，均加引號，以示區別。八、作者爲中國國民黨黨員，故對本黨領袖，於孫公則稱總理，二十九年後，改稱國父。於蔣公則稱總裁，藉明立場。臨文空格，以示崇敬。

九、本書附錄刊載戴任考試各案在事員名錄用昭時賢贊襄考試之資歷。

十、本書初稿，先就正於海鹽陳百年（大齊）先生，詳略之間，頗多啓迪。再度成稿，續就正於中山王岫盧（雲五）先生，亦承教益有加。最後又承阜寧李炳南（學燈）先生爲之磨勘，相與訂正數十條，附此鳴謝。

跋

老友陳伯稼先生，上月由臺北休假南游，小住蝸廬，快談三日。臨別謂余曰，季陶先生傳記，年內可望出版，大作之外，無第二人，懸格如此，頗不同於尋常，能早舉椽筆乎。余深爲慚慙，因伯稼創立編年體例，爲季公寫傳記，上年曾將已完成部分見示，預以弁言相屬。余本不能文，衰病之餘，益艱握管，敬謝不敏。伯稼曰，季公四十年舊交，君爲僅存碩果，不可推却。重違老友之命，勉強應允，既嬾且忙，一擱竟將閱歲。現出版在即，無可再推。序文有伯稼珠玉在前，豈敢佛頭着糞，聊作跋尾之文，藉報雅命。余與季公訂交，在民國前五年，時同在日本大學肄業，季公爲儕輩中最年少之一人，其縱橫之才氣，超人之智慧，亦一時無二。自民國前三年先余回國，民元以後，置身新聞事業，名滿天下，不數年間，更飛黃騰達，負黨國柱石重望，爲衆流宗仰，此豈無因而致哉。季公有熱烈性情，有豐富學識，有一枝辟易無前健筆，有一貫堅定不搖主張。未屆強仕，凡可歌可泣之事，已燦然畢陳。柄政二十年，更擴展其悲天憫人懷抱，致力於國利民福之鴻猷。惜乎才

與位皆足有爲，時與命迄無可致，實恨以終，此非季公之不幸，國家民族世界人類之不幸也。伯稼識季公後於余十年，而在季公幕下，久於余幾三倍其歲月，所知之事，自較余爲多。此作寫季公自嶽降至騎箕，六十年間事迹，大而國家至計，小至個人行爲，季公之偉志瑰行，盛業豐功，固已曲曲傳出，可謂詳矣。更旁及其他方面，如二十年中之考試院，一切建制設施，分門列舉，釐然各當。不獨足以規建國時期之典章，亦可備一般留心政制者之研討。至每年所附當年時事概要，使人讀本傳記時，皆能有時代認識，不致模糊隔膜，尤爲向來寫傳記者所無。非心精力果，而又貫通條理者不辦。伯稼具此錘鑪，其精神所在，固爲季公，而亦何嘗僅爲季公，余不禁爲之欣慕，嘆爲得未曾有。抑尤有進者，季公之於伯稼，誠已泯其形迹，而有水乳交融之歡。伯稼擇木而棲，亦可謂能得其所。其抱道自重，靖共厥職，密勿贊襄，從容獻替者，雖非盡人所能知。然就余所明悉，如侯紹文君與張某事，季公前後措施，一反所爲。伯稼之犯顏極諫，自是難能，季公之從善如流，不吝屈己，其偉大處更爲常人所萬萬不及。今觀傳記，却無此記載，殆因格於體例使然。但諫諍美名，納諫美德，古來治道之要，無過於此。伯稼不可取

一己區區小亮，而使季公此一無可倫比之美德，闇然不彰。茲取伯稼有關是事之筆記一則，以殿吾跋，藉彌此闕。昔曾子固書魏鄭公傳後，極論鄭公以諫諍事付史官之賢，且以焚稿爲伊周所不取，景彼前賢，實獲我心。質之伯稼，其不以余爲妄乎。

中華民國四十六年十一月榮昌謝健謹跋

附伯稼先生民國三十年十二月記事一則

考試院自籌備以來，秘書處之總務科長一職，皆以簡任秘書許公武崇灝兼任，其後公武升任秘書長，仍兼職如故。本科科員有張某者，主管庶務股事宜，（原任國民革命軍總司令部副官，在五院政府未成立前，戴公每至南京，常居總部，張某奉派照料一切，服務甚勤，故受任院長後，昇以此職。）政府西遷，曾留守京院，南京陷落後來渝，仍供原職。重慶屢遭轟炸，張某派任救護工作，亦尙出力，戴公甚信任之。惟其人不知修養，不善和衆，甚至不聽秘書長指揮，上年三月間，以某事出言不遜，秘書長擱之，膽竟還毆。因是公武屢辭兼職，避免直接指揮，結果於本年十月間得請，而有侯紹文爲總務科長之事。紹文初受任，亦嘗曲意交歡張某，期其

合作，無如彼方傲慢不顧，紹文勢不能忍耐。適查出張某有冒領工役二名米糧之嫌，實功令懸爲厲禁者，乃揭發於秘書長，請示如何辦理。秘書長據以轉陳，託不佞面呈，戴公展閱之餘，不憚情緒，頓形於色，但未置一言。次日夜召不佞入，出手諭曰，侯紹文着即免職，派某某代理總務科長，命卽時發表。不佞請曰，院長此手諭，莫非查出侯紹文有重大過誤耶。公曰，此是行政處分，汝問我要證據耶。不佞曰，雖是行政處分，究須有個理由，因本院是管理人事最高機關，進退人員，必須予天下以共見。公曰，無理由可說。不佞曰，如此，某不敢奉命，請收回成命，因將手諭還公，公怒甚，劃火柴焚手諭摔之。不佞曰，請院長息怒，此事實需要在需要三思。公曰，思之熟矣，豈祇三思。不佞曰，那還不夠。公曰，汝要向我攢紗帽耶。不佞曰，攢紗帽非好事，本無此心，但若至不得已時，也只好出此。公曰，汝與公武等，竟是成羣結黨。不佞抗顏曰，此何言。某讀書數十年，自命絕對是君子，若成羣結黨行爲，乃小人之尤，某實不甘接受。且某與公武，如果是小人，院長置之左右，任爲秘書長或機要秘書，至十餘年之久，豈非有失知人之明，院長自居何地乎。公曰，一個人做事，總

要講良心。張某在院十餘年，並無大過，且屬有功，今以涉嫌冒領米糧二斗細故，竟不少留餘地至此，汝們問心安乎。不佞曰，院長所言者情也，侯紹文所呈者法也，且所呈亦祇是請示辦理，如何斟酌情法之平，儘有餘地，惟在院長裁量而已。某今晚敢於冒犯尊嚴，只是求不負平日讀書做人志氣，亦即所以報院長報國家，自問於心並無不安。公是時顏稍霽，曰，今夜晚矣，可睡覺矣，祇是我睡覺，是睡得着的，不知汝們如何。不佞曰今日若無此頂撞，將成爲終身憾事，今晚睡覺，必定安穩的。公曰，不說了，不說了，去睡罷，去睡罷。不佞遂退出。次日黎明，公又召不佞入臥室，盛陳早點，共進食，隨出硃筆手諭，長數百言，令觀之，則皆譴責張某之詞，結語免其職務，着刻日離職。問曰，汝以爲如何。不佞曰，院長偉大之至。惟中有一語，「膽敢與秘書長鬪毆」之「鬪毆」二字，可否予以改易，公立援筆曰，吾爲汝改三字，「膽敢向秘書長不敬」，尙有說乎。不佞曰，院長賢明，不能贊一詞矣。乃命立刻宣布，印發院會部全體同人。公一面貲遣張某，俾可另謀生計。此十事也，罷斥一職員，本甚尋常，難在當盛怒之下，竟能容許屬員直言極諫，終以理智克服情感。以視一

般居高位握權力者之所爲，相去直不可以道里計，真足以風有位，傳不朽矣。

近代中國史料叢刊續編 第四十二輯

目 錄

- 戴季陶（傳賢）先生編年傳記……………陳天錫著
- 回憶錄（手稿本）……………陳布雷著
- 百年一夢記……………李基鴻著
- 潘公展（有猷）先生言論選集……………陶百川編
詩詞……………季 灝編
- 曉晴齋散記……………胡博淵著
- 夢 痕 記 附：民國政制改造論……………朱鏡宙著
- 北伐行軍日記……………歐振華著
- 逸雲詩詞遺稿……………陳逸雲著
- 全國教育會議報告（十七年五月）……………中華民國大學院編
- 出席國民大會記（卅七年三月）……………朱克勤著

增訂戴季陶先生編年傳記

中華民國紀元前二十二年（清光緒十六年）庚寅，先生一歲

先生先世自徽州休寧之隆阜，遷浙江吳興，或謂避南山文字獄，世系故不傳。高祖敏勤公，諱聞天，字孔庇，於乾隆末年自浙入川，備於夔府開縣等地，輾轉至漢州（今改廣漢縣）依同鄉經營江西景德鎮磁業（註一）遂家焉。初貧甚，除夕祭神，不能具雙燭，以油燈一盞配燭一條成禮，旋家計漸裕，自開昌泰磁號，定除夕祭神，一燈一燭，垂爲家規，示不忘窮困。曾祖崇節公，諱躍龍，繼承遺業，開昌泰新號。祖潔軒公，諱廉、精繪事，以畫海棠名於時。性孝友，尙義俠，排難解紛，不吝施與，以此輟商業。嘗回吳興修祖墓，必誠必敬，過上海，袁大令海觀（樹勳）聞其名，客之官廨，累日始歸。父小軒公，亦工繪畫，得秘傳，精外科，以醫行世。母氏黃，受秘傳於小軒公，佐之操活人術，舉四子，長傳薪，字堯欽，次傳榮，字仲華，三傳宣，字叔旬，先生其季也。十一月二十六日，戌時生於漢州城之西街，甫彌月，第一次發笑，而且大聲，恰爲潔軒公歸自吳興初面之頃，家人遂視爲奇跡（註二）。先生諱傳賢，字選堂，又字季陶，晚號孝園，自受藥師灌頂，法名不空，受時輪金剛灌頂，法名不動。先生於遷浙祖世系之無考，既每致其疑惑，而體味高祖名字之意義，更證以族譜高曾兩世男女皆有私諡，則確信其家世，必爲深具服古之遺風。

是年時事概要

總理二十五歲，肄業香港西醫書院，已四年。

清駐藏大臣升泰，與英總理印度大臣蘭士丹，議訂印藏條約八款，承認哲孟雄全邊歸英管轄。

註一 見先生文存一五七二頁

註二 見先生文存續編雜著部門寫八覺經過及目的講詞

民元前二十一年（清光緒十七年）辛卯，先生二歲

是年時事概要

俄侵新疆邊地屬布魯特回族之帕米亞。英侵新疆慈嶺東南之坎巨提，及隔水之哪格爾。

民元前二十年（清光緒十八年）壬辰，先生三歲

是年時事概要

總理以各科成績皆一百分，畢業於香港西醫書院（註一），設中西藥局於澳門。

註一 見陳少白口述「興中會革命史要」許師慎筆記

民元前十九年（清光緒十九年）癸巳，先生四歲

先生聰穎異常童，潔軒公鍾愛之，教以誦讀，初識方塊之九經不二字。

是年時事概要

總理遷中西藥局於廣州，改名東西藥局，與鄭士良、陸皓東、尤列、陳少白商討革命進行方針。

清與英議訂藏印通商交涉游牧條約九款。英法共同畫分暹羅所屬之老撾約一百四十餘里，指為中立地，許暹羅獨立，廢止其入貢中國之例。

民元前十八年（清光緒二十年）甲午，先生五歲

是年時事概要

總理草富強書，旋自粵至滬。五月，至天津，上書李鴻章，陳救國大計。八月，第三次赴檀香山，創設興中會，發布宣言，其宗旨爲傾覆滿清，拯救國家。嗣由檀香山返香港。

正月間，清駐英使臣與英外部續訂漢緬條約二十款。五月初，朝鮮東學黨亂，清遣兵援之，日本亦遣兵自仁川直達韓京，幽朝鮮王，襲擊清運兵艦及陸軍。七月，清宣布與日開戰，八月，戰於平壤，敗績，海軍又與日戰於大東溝，亦敗績。日軍寇遼東，連陷九連安東鳳凰城金州復州大連灣旅順海城蓋平，又寇山東，陷榮城及威海衛。

民元前十七年（清光緒二十一年）乙未，先生六歲

是年時事概要

總理設興中會總機關於香港，名乾亨行，用青天白日旗，入會誓詞，爲驅逐虜虜，恢復中國，創立合衆政府。八月，設農學會於廣州，九月初九日，第一次在廣州起義事洩，陸皓東遇害，總理脫險至港，旋赴日本，成立興中會分會於橫濱，既而離日赴檀香山。

正月，日軍陷劉公島，海軍全隊被擄。二月，陷遼東之牛莊營口，及澎湖羣島，清命李鴻章與日議和，三月，訂立馬關條約十一款。承認朝鮮自立，割讓遼東半島及臺灣澎湖各島，賠兵費二億兩，開沙市重慶蘇州杭州長沙爲商埠。五月，臺灣成立民主國，擁巡撫唐景崧爲大總統，九月，日軍陷臺灣，唐景崧內渡。俄法意三國勸告日本，以遼東半島歸清，清以三千萬兩償之，十月，日始撤兵。康有爲梁啟超上書清廷，請變法維新。

民元前十六年（清光緒二十二年）丙申，先生七歲

先生開始入塾讀書，潔軒公卒，因擔保債務家遭訟累，小軒公繫本州禮房者二年，先生隨侍繫所

(註一)，由小軒公課督、不輟誦讀，以度此愁慘光陰者，至少在半年以上(註二)。
是年時事概要

總理由檀香山抵舊金山，轉赴紐約，旋離美赴英，抵倫敦，九月初五日，被誘禁於清使館，賴英人康德黎營救，歷十三日獲釋，自是暫留歐洲，研究政治。

四月，李鴻章與俄訂立中俄密約於莫斯科，其要點在東北境內建築中東鐵路，為西伯利亞大鐵道之一段。八月，清使俄大臣許景澄，與華俄道勝銀行，訂立東省鐵路公司合同十二條。九月，清督辦軍機處與俄使喀希尼簽訂中俄新約十二條。

法與中國訂立新約，改定陸路通商界線。

註一 見先生文存五九九頁

註二 見民元前二十二年註一

民元前十五年(清光緒二十三年)丁酉，先生八歲

是年時事概要

總理在英繼續研究，並考察歐洲政治，完成民族民權民生主義學說。七月，自英抵加拿大，八月，自加抵日，在橫濱設中西學校。

正月，清與英續訂緬甸條約十八款，十月，德藉口山東鉅野教士被戕，突以海軍佔領膠州灣。

民元前十四年(清光緒二十四年)戊戌，先生九歲

先生自四歲發蒙，初識方字塊，繼續幼學瓊林，古唐詩合解，又次讀四子書，至是，此類書籍，均能背誦，亦粗通講解，學作對句及五言詩，父師讚美，有神童之目。開始讀五經，閱了凡綱鑑，二

三年間，終兩遍，再改讀通鑑輯覽。（註一）

是年時事概要

總理居東京，創立三民主義，五權憲法。

德租借膠州灣，俄租借旅順大連灣，英租借九龍威海衛。

清德宗銳意變法，正月，詔設經濟特科，由三品以上京官及督撫舉政，各舉所知，送總理衙門，會同禮部奏請試以策論。設京師大學堂，分經學政治文書格致農工商八科。改各省書院爲學堂，兼習中學西學。以省會爲高等學堂，郡城爲中等學堂，州縣爲小學。五月，詔廢八股文，科舉改試策論。命神機等營改練洋操。七月，命楊銳、劉光第、林旭、譚嗣同均賞加四品卿銜，在軍機章京上行走。八月，命直隸按察使袁世凱以侍郎候補，專辦練兵事務。初六日，直隸總督榮祿入京，請慈禧太后復垂簾訓政。（光緒十五年已歸政）康梁出走，置德宗於南海之瀛臺，殺御史楊深秀，及四京卿，並廢有爲之弟廣仁，詔復一切舊制。

註一 見先生文存五四三頁

民元前十三年（清光緒二十五年）己亥，先生十歲

是年時事概要

總理命陳少白創中國日報於香港，史堅如、畢永年、鄭士良聯絡各地會黨。

十月，法兵艦侵據廣州灣，清廷與訂廣州灣租借條約七款。美向列強提議中國門戶開放政策，於是保全中國領土與工商業機會均等之新局面，爲列強所公認，中國脫離瓜分之厄，寄生於新均勢政策之上。

康梁在日組保皇黨，秋間義和拳亂於山東。

民元前十二年（清光緒二十六年）庚子，先生十一歲

民元前十三年、十二年

先生從長兄堯欽先生讀書於漢州之純陽閣，三六九文課外，每日須寫讀書劄記至少三百字，讀古文暨默寫所讀經書。是年讀完春秋左傳，年終分三日背誦。又開始學習數學，於經史外，致力熟讀新書，能背誦者，如列國變通興盛記，泰西新史，而天文地理諸書，亦努力瀏覽，並潔讀文獻通考及方輿紀要序等。（註一）

是年時事概要

總理以清廷假拳匪自衛，排斥外人，北方陷於無政府狀態，曾由日繞道至香港，圖潛入內地起義，不期為奸人告密，船抵港不得上岸，乃將惠州發動之責，委之鄭士良，離港赴日，轉渡臺灣。時臺灣總督兒玉贊同中國革命，總理擬由臺灣潛渡內地。閏八月十三日，鄭士良舉義惠州，後以日本內閣更迭，禁止臺灣總督與中國革命黨接洽，總理潛渡計劃，為之破壞，惠州後援不至，鄭士良解散所部走香港。九月，史堅如炸兩廣總督德壽不成，遇害。

三月，拳匪竄擾近畿，五月，清廷命剛毅趙舒翹招撫之。董福祥軍殺日使館書記生，武衛軍殺德公使，詔與各國宣戰，並令各省搜殺洋人，直隸山西河南東三省紛紛奉詔殺害外僑，惟山東巡撫兩廣兩江湖廣閩浙各總督不奉亂命。八國聯軍陷大沽砲臺，六月，陷天津，七月二十日，陷京師，又西陷保定，東陷唐沽山海關，慈禧挈德宗出奔西安，命李鴻章、奕劻為全權大臣，向各國求和。俄因黑龍江將軍壽山攻哈爾濱，復由愛琿攻俄之阿穆爾省，大舉入寇，連陷齊齊哈爾吉林奉天。

註一 見先生文存五四三—五四四頁

民元前十一年（清光緒二十七年）辛丑，先生十二歲

先生仍從長兄受業，冬間隨長次兩兄應童子試，長兄入泮，先生州府兩試，皆列前茅，院試易經

題「爲大赤」、不通題旨，致未取進。（註一）是歲學政爲湖南鄭叔進（沅）先生也。

是年時事概要

總理會到港，旋復返日。

清與列國媾和，訂和約十二款，附件十九則，是爲辛丑和約。其最重要者，爲懲辦禍首諸臣，分遣親王等使至德日兩國謝罪。許各國使館屯兵自衛。賠償兵費銀四億五千萬兩，分三十九年償還，本息合計，總數九億八千二百餘萬兩。燬大沽口砲臺，及京師至海邊有碍通行各砲臺。奉禍地方，停止文武鄉試五年。七月，和議成，八月，各國退兵，清廷同時詔復廢八股文，科舉改試策論，各省書院改設學堂。十一月，慈禧與德宗還京師。

註一 見先生文存五九九頁

民元前十年（清光緒二十八年）壬寅，先生十三歲

先生受業於句容徐子休（炯）先生之門，先是子休先生創辦東游預備學校於成都之江南會館，爲有志留學日本而不能入東文學堂者之方便。並大倡革命之論，常以嘉定揚州故事，喚醒人民。至是先生及門，每聞講演，則熱血沸起。其學習日文，復受學於東文學堂諸同學之傳習，熊克武、但懋剛，劉亞休諸君皆同級友。其時長兄堯欽任東文學堂幹事，與日本教習服部操相友善，先生並時往就之私學，頗得指示之益。（註一）

是年時事概要

總理冬間自日抵港，旋赴河內。

三月，清與俄使議訂交通滿州條約四款，八月，與英續議通商行船條約十六款，與俄使議訂交通山海關鐵路條款。

註一 見先生文存五四一—五四五頁

民元前九年（清光緒二十九年）癸卯，先生十四歲

先生考入客籍學堂高等科，是校高等科生類取材於舉貢生監，主司激賞其文，獲選入是科。有以年幼短之者，主司曰、憑文取土耳，曷以年爲。因是先生遂得聞教於日照丁師汝（昌燕）遵義趙幼漁（怡）兩先生，於經史大義，頗有所會（註一），每試輒冠其曹。同學中湖南沈明漢，陝西梅少和，及某君與先生共四人，結爲兄弟，誓倒滿清，皆由自發，絕無外來運動，亦不知世間有所謂革命黨（註二）。是歲，先生遭小軒公大故，未幾、二兄仲華亦下世，太夫人雖不事懸壺，遇有患者就醫，亦爲之治療。

是年時事概要

七月間，總理自安南經西貢抵日，九月，離日赴檀香山，與保皇黨發生論戰。

四月，清與葡萄牙議訂增改條約九款，八月，與美國續議訂通商行船條約十七款，又與日議訂通商條約十三款。十一月，設立練兵處，定新軍編制，全國兵額爲三十六鎮，頒佈學堂章程。十二月，日本因俄背交還滿州條約，與俄宣戰，清宣告各省嚴守局外中立。

註一 見先生文存五九九頁

註二 見先生文存五四五頁

民元前八年（清光緒三十年）甲辰，先生十五歲

先生仍肄業客籍學堂，會某道員任學堂監督，於品第課藝甲乙，每有偏私，先生意不能平，發難抨擊，遭黜退，並通令全省學校不得收錄。改名入教會所辦之華英學堂，僅三月，爲政府所知，迫

令退學。有日本教習名小西三七者，任通省師範教習，亦在客籍學堂任物理化學教習，素喜先生聰慧好學，遂由小西納之於彼書齋，授以物理化學，進步甚速。時川北中學延小西任理科講師，並延先生任翻譯，月薪十四元，喜慰甚，而東游求學之志，因此而愈切。（註一）

是年時事概要

二月，總理離檀香山赴美，三月，抵舊金山，與保皇黨論戰，旋漫遊美國各埠，十二月，離美赴英，十月間，黃興起兵於長沙事洩走日本。

正月，日大破俄海洋艦隊於旅順口，又敗之於鴨綠江，進佔九連鳳凰城，迭克金州大石橋營口牛莊及析木城海城，八月，又敗俄兵於遼陽城外，進佔遼陽，既又敗之於沙河，十二月，圍攻旅順口降之。同年，英乘日俄戰爭，派兵入西藏拉薩，達賴奔俄，清革其封號，促回藏。

註一 見先生文存五四七頁

民元前七年（清光緒三十一年）乙巳，先生十六歲

先生東游之念既切，家貧不能得鉅資，堯欽先生毅然賣祖遺沙田三十畝，得七百元，遣之赴日。

（註一）經成都買舟抵漢口，自携行李考籃上岸，因籃重而行不進，爲碼頭歹徒所乘，從先生手中奪去考籃，疾入人叢中而逃。此籃中，約有銀二百兩，川資學費，皆取給於是，先生不禁大哭。幸有同行族兄照料，始得到上海，設法往日，留學於日本某師範學校。

先生常言，一直到了十五歲，能够讀了幾部經書，看了幾部史書，還學了一點很淺薄的科學，懂得一些做人的道理，我這看書作文的力量，都是由我的大哥很辛苦的教訓得來的。我曾記得常常在夜靜更深時候，我們兩個人還是伏案用功，我的大哥自己苦讀，一面應我質問，和我講解，有幾

年功夫，夜間都是同我大哥共被而眠。我能够出來留學，也是由我大哥很堅強的決心，排除萬難來幫助我的。（註二）

是年時事概要

總理在歐洲成立革命組織，先後在北京柏林巴黎等地開會，留學生加入者甚衆。六月，自馬賽赴日，出席東京留學生歡迎會，發表演說，八月二十日，舉行中國革命同盟會成立大會，加盟者三百餘人，被推爲總理，十一月，赴西貢籌款。是月，民報在東京發刊，爲撰發刊詞，正式揭民族民權民生主義。二月，日大敗俄兵於奉天，進佔奉天省城，四月，日海軍大破俄波羅的海艦隊於日本海，盡殲俄海軍，七月，日俄議和於美國之樸資茅斯，歷月餘訂約。

清廷詔停科舉，舉經濟特科，收回粵漢鐵路合同，設巡警部考察政治館及學部。命載澤、戴鴻慈、徐世昌、端方、紹英出洋考察政治，以黨人吳樹在正陽門車站施炸，延至十一月始成行，徐紹另有他任，易以尙其亨李盛鐸。與日本訂立滿州協約三款附約十二款。

註一 見先生文存五四七頁

註二 見民元前二十二年註一

民元前六年（清光緒三十二年）丙午，先生十七歲

先生繼續在某師範學校肄業，祖母逝世，冬間，與山西王太蕙用賓先生相識於江戶，後爲日本大學之同學。先生對於學習日本語文，曾將經驗所得，爲文記之，其言曰：在成都初學日文時，所用教本，爲服部所編之混合教法，以文法會話讀本合成一氣，其時年齡既幼，又喜與日本教習交談，雖學習不過二年，而到日說話聽講，便已不感十分困難，但最覺辛苦者，所說所聽，其了解者依然

是中文中語，而不能直接對於日文日語爲自然之領受。譬如讀書時所讀雖日文，必須在意識上譯作中文，方能了解記憶，說話時最先之腹案，與聽話時最後之領悟，均係中語，如此者只可叫作自己繙譯，並非真能真接運用也。因是之故，凡聽說讀作，均解遲而辛苦，尤以所謂天日遠波之助詞用法，及動詞形容等之語尾變化，皆中文之所無，其記憶運用，更費腦力。其時有一教習告我云、「余昔年往歐洲留學，極感語言文字不能自由之苦，後一先生教我一法，行之一年，忽然貫通，聽說讀作，均自由無碍，文法應用之錯誤，亦逐漸減少，終至於無。其法即每晨日報送來時，便將其社論及小說各一篇，完全讀過，不必問其了解與否，若遇生字，有暇則一翻字典，無暇則並此亦不可必，惟讀時必須出聲，音調須極摹倣外國人。此一秘訣，余亦得諸精通語學之名師，謂只此爲學外國語言文字之最良方法，若讀文法，最辛苦而無用，讀書則難得最適用之佳本，且不易有恒，均不若此法之有效，子姑試之」。余覺此事，並不太苦，且每日新聞紙，總須閱覽，不過稍變其方法耳。初時頗覺費力，且信口讀過，意義竟不能解，漸漸眼熟口順，辛苦大減，又進則耳力亦隨眼口而同時俱順，隨讀隨解，不必再如往時之須自己繙譯矣，半年以後，旁人讀書，亦便一聽即懂，無待思索。是時大喜過望，繼續不改，終於聽說讀作，均能自由而國人於日本最感困難容易錯誤之動詞尾變化，亦自然隨意運用，使合文法。其語文之分別，亦便自然明了，其後讀蘆花著自然與人生一冊全部熟讀暗誦讀兼好法師之徒然草，紫式部之枕之草紙，還讀謠曲中之思清詞雅者若干篇，共計近古文詞，所讀不滿十冊，但求其能熟誦，一如幼讀國文，於是說話作文，均感進步，後來爲總理作演說繙譯，以及自己演說，皆得力於此，可見語言文字之學，熟讀多讀，兩者皆屬必要。是所謂讀者必須將語調文情從聲音中刻意表出，其功用之妙，實非言語所能道。蓋文字是一種極自然之

藝術，而語言是極自然之音樂，無論韻文散文，雅言俗語，皆有其音節腔調，且即自然融合於文法詞藻之中，所以稍具聰明之人，只須能熟讀，便自己理解其文義，舊日最無能力之先生，最不合理之教法，結果對於天才之人，仍不能阻其發展者此也。現代學校教育，太過輕視背誦，對於讀文聲調一層，更完全視爲腐敗惡習而排斥之，是否有益於兒童之理解，殊屬疑問也。教會學校之外國語程度，較高於其他，此亦熟讀多說之故，蓋口與耳實重要過於目也。（註一）

是年時事概要

二月，總理自西貢抵南洋新加坡，旋回日本，五月，再赴南洋籌設各地分會，十月，自西貢返日。冬間萍鄉瀏陽革命失敗。

清與英使訂立中英印藏條約六款，七月，宣示預備立憲，九月詔釐定官制，同年達賴還藏。

註一 見先生文存五四八—五四九頁

民元前五年（清光緒三十三年）丁未，先生十八歲

本年暑期，先生畢業某師範學校，秋間轉入日本大學法科肄業，此校爲東京有名六私立大學之一，校長爲松岡康毅，而岡田鳩山新渡戶牧野等均是爲校教授。先生學名戴良弼，與同鄉金銳新同住東京麴町區松濱館，兩人均長於日語，先生更加流利，同時留學生說日語，在隔壁聽之，不知是中國人者，同學中不過三數人，先生稱第一。是年與四川謝健（後字鑄陳）楊子鴻（禮）兩先生訂交，兩先生均由巢鴨警監學校警察科轉日本大學法科肄業者，在麴町區飯田町租屋而居，距松濱館不過百步，彼此往來幾無虛日，號爲松濱四友。同時更有學鐵道之蕭似村爲先生之小同鄉，學警察之譚桓士爲湖南人，均時常往來於松濱館，但不及謝楊等親密。（註一）

是年時事概要

二月，總理借胡漢民等自日本赴新加坡，設立機關，籌劃革命軍事，旋發動潮州黃岡之師，鄧子瑜繼之發難於惠州，均失敗。徐錫麟起義於安慶，殺安徽巡撫恩銘，被執遇害。七月，王和順起義於廣東欽州，以接濟不至失敗，退入十萬大山。十一月，黃明堂舉兵攻佔廣西鎮南關，總理率黃興胡漢民自河內至鎮南關督師，以後援不繼失敗，退入安南。

清廷於二月間，詔改盛京將軍爲東三省總督，奉天吉林黑龍江各設巡撫。五月，詔改各省官制。七月，改考察政治館爲憲政編查館。八月，詔設資政院，各省設立諮議局，與英人商訂蘇杭甬借款造路章程。十一月，諭禁學生干預政治，及開會演說。同年達賴請入朝，清廷許之。

註一 見改造十三期謝健悼念戴先生文

民元前四年（清光緒三十四年）戊申，先生十九歲

先生繼續在日本大學法科肄業，清季中國在日本留學生，極一時之盛，全體在萬人以上，僅有一留學生會館，人多而非非常散漫。日本大學之中國留學生，計有一千餘人，而無組織。本年秋間，先生與湯子鴻胡霖（後字政之）等發起組織同學會，衆推先生向學校要求，得許可，而中國留學生監督鄂人田景韶，奉命嚴防留學生組織團體，宣傳革命，多方阻撓，不予批准，經多次奔走，又由校方斡旋，始得允許。於是先開籌備會。推先生主辦，謝健張伯烈楊子鴻、樓岑、王太蕪、胡霖、王國賓、金泯瀾、裴綱、平少黃（剛）等幫同籌備，以衆人皆窮，到處求人，連捐帶借，居然組織成立。舉行開幕之日，到會達二千人，日本文部省中國大使館皆有人參加，日大校長及教授多數出席，日本同學亦來觀禮，公推先生任臨時主席。先生以成都語與流利之日本語致開會詞，博得滿場中

日人士鼓掌。嗣投票選舉職員，先生當選會長，謝健當選書記，楊子鴻當選某職務，張伯烈當選評議長。會後又舉行餘興，盡歡而散。先生平日富情感，無論哀樂，往往激越而出以痛哭，是日散回松濱館，又大哭。（註一）

是年時事概要

二月，黃興自安南攻欽州，三月，總理命黃明堂起義於雲南河口，五月，黃興轉戰欽廉上思，凡四十餘日，以援絕失敗，河口革命軍亦敗。十月，總理旅行馬來半島各埠，並至曼谷，年底返新加坡，十一月，安慶馬砲營總官熊成基起義失敗。

清廷八月間，詔定預備立憲年限，以九年爲期，召集國會。憲政編查館奏進憲法大綱，詔頒京外各衙門。十月二十一日，德宗崩，遺詔以溥儀入承大統，醇親王載灃爲攝政王監國，明年改元宣統，次日慈禧崩。十二月，頒布調查戶口清理財政及城鎮鄉地方自治各章程。同年，達賴入朝，優加封號。

註一 見改造十三期謝健悼念戴先生文

民元前三年（清宣統元年）己酉，先生二十歲

先生在日本大學法科肄業，至是已屆畢業之年，因窮甚，積欠旅館費用墊款等甚鉅，館主人初頗通融，久之因力有不濟，催迫甚緊，金銳新家匯來學費，供先生分用仍不足，遂不能在日久留，提前回國。衆議爲先生餞行，都一錢不名，結果由謝健以亡妻遺留之金約指送入質庫，得日金五元，在廣東料理店痛飲，諸人皆醉。先生醉後大哭，由諸人扶之回館。次日臨行到車站時，發現尚缺少日金三元，如購車票到橫濱，即不能購上海船票，謝健趕回旅寓，將日大兩年餘講義二十餘本再入質庫，得日金四元，乃灑淚而別。（註一）

先生旅日時，喜寫小品文字或小說，尤其是日本文詩歌，不談政治學術，所有作品，惟小說常用散紅生筆名，發表於日本新聞雜誌，餘者隨作隨佚，不復留稿。（註二）常與朝鮮復國志士結交，得識一李姓皇族女子，爲韓王（日併朝鮮後廢君所改封類如日本親王）叔輩之女，亦在日留學，因韓國人在東京行動不甚自由，故先生與之往來均守秘密，後經訂立婚約，不數日忽斷絕往來，殆爲對方在政治上感受威脅之故。（註三）

先生自離日回至上海，一無憑藉，幸而得張俊生先生之提携，未至落魄。（註四）旋往蘇州投刺於蘇撫瑞徵，立受任爲江蘇地方自治研究所主任教官，其時從事於研究所者，多績學之士，而主任教官且須核辦公文，先生日以少年新進，於公程式又未嘗問津，慮爲人輕視，因取諸種公牘文字讀之，盡得其奧竅，曰、程式猶龜殼耳，一出手便驚其儕輩。先生既少年敏捷，又風流自賞，常喜作狹邪游，某大員惡之，媒孽於瑞撫，瑞撫曰，年青人誰不如此，何足爲病。先生對憲法大綱嘗爲文評論，某大員又以毀謗朝廷爲言，瑞撫曰，朝廷頒布憲法大綱，亟需臣民抒陳意見，庸何傷，某迄不能逞志。

蘇州習俗，文人喜坐茶館，先生亦每日必往，品茗會友，高談濶論，旁若無人，一日，忽有一中年道貌岸然者，移坐就先生席次，靜聆先生議論。瀕行，問先生住址，亦自介姓名，始知爲赫然有名由刑部郎中改官知府，需次蘇垣之張孟可（爾田）先生也。次晨，張先生到訪，甫見面，卽呼先生曰，老弟，汝實後生可畏，惜聰明有餘，學問不足，汝讀書太少，應趕快多讀，卽手出若干本書籍，囑先生必定要讀，先生雖年少氣盛，內心不以張先生傲視爲然，但以其年尊意誠，亦不敢不接受，表面虛與委蛇。張先生既去，仍置之高閣，詎張先生竟每日來相考詢書中內容，懃懃不已，先